

紫峴山人全集

紫峴山人詩集卷十七

湘潭張九鉞度西著

姪孫家枳重刊

吳越二集

乾隆戊戌己亥

戊戌至南豐旋至浙西世津侍己亥抵揚州病

姑愈著吳越二集

南浦別意

春水漲桃花春洲長荻芽狂生非杜牧夫壻是秦嘉酒別娉婷市
烏啼少婦家高樓有楊柳努力望京華

望南高峯

放舟富陽郭先見南高峯雲氣自生樹晴江欲下鐘當年丁處士
於此卧孤松明日春光富吾將尋短筇甯郡丁人可嘗營生壻于南高峯下自號南阿處士

西湖席上食蓴

到日逢蓴熟三潭又暮春空聞采蓴曲不見采蓴人甲申暮春與雷雷峯祝芷

塘泛舟
朱尊

翠釜黏能脫，銀絲滑故勻。秋風莫相待，猶未及歸晨。

江山陳明府招泛寶勝湖遇雨

雨自南屏至，重湖合以風。跳珠魚散影，翻翠鳥呼叢。舟急爭橋白，山回失寺紅。由來宜酒地，卷幔對空濛。

偕沈公子亦芳及兒

淮清津

泛舟南屏山下二首

好寺半浮水，高峯不出湖。澄明魚逐隊，寥歷鶴將雛。櫻筍迎初夏，煙雲識老夫。李公筵上客，猶記柘枝無。
乙亥客申祐菴微部幕與朱鑑堂數泛舟湖上

花事全過雨，鶯聲尚喚雲。都將遊冶意，一慰別離羣。塔影當杯入，湖容隔樹分。吹簫多苦調，不欲座中聞。

湖上逢潘信豐汝炯時以卓薦赴都歸乞假山陰省墓將

赴豫章

沙際遙招手，聞聲似是君。幾時辭禁雪，及曉踏湖雲。碣易旌章字，

裝懸賜絹紋。名山思入剡。所惜又離羣。

泊放鶴洲

沽酒月波樓。移船放鶴洲。行常思浩蕩。宿亦戀清幽。樹火穿城出。天星入海流。古多捨宅者。不必問裴休。

夜行鴛鴦湖聞櫂歌

櫂歌催客發。月出鴛鴦湖。蓮葉愁南北。蘋花問有無。楚人偏易感。吳曲自多趨。那更垂楊岸。西風聞夜烏。

嘉善

路出魏塘斜。菱花雜荇花。鐘聲調鶴院。水閣浴蠶家。果合前橋市。桑移隔浦槎。往來竟何事。低首惜年華。

楓涇候潮

不知三泖近。但有鱸魚香。海起月初澹。潮生風欲涼。離橋漁火白。

依市酒燈黃想像元貞子煙波此釣鄉

入長泖

震澤流長泖溶溶匯此區雲山一吳越天水盡菰蘆龍氣分煙起
漁歌到海無我來思攬勝元不爲蓴鱸

泊松江城下遙懷南雄太守家蒙泉先生

一棹華亭谷東風語塔鈴雲山橫積玉城郭出空青分水園交竹
流花市繞萍步兵猶未返已別五秋螢

望九峯二首懷瞿綸浦王蘭陔

雲開見九峯倒影入吳淞海色連天半霞光出寺重虛明皆秀石
表裏有長松爲引訂徐棹彌忻晻靄容

昨夜機山雨平添入泖潮長煙初引樹新黛欲浮橋好策青瑤杖
兼攜紫玉簫何人同載酒一一踏峇峴

青浦道中懷荊櫟亭伯仲

吳越多朋舊，機雲一弟兄。常誇三泖勝，約我九峯行。綵筆諸侯客，單衣洛下生。祇今相憶處，矯首海雲橫。

飲青浦王南洲明府署

我自雲間至，衣衫皆白雲。讀傳袁內史，浦近春申君。煙水銜杯入，絃歌繞市聞。地多席帽客，好與共論文。

哀海上家少華

入洛多才者，吾憐陸士衡。相思不可見，獨過五茸城。豪氣依兄弟，雄文判死生。鶴沙遙一望，唳鶴是君聲。

太倉訪劉萃園寓齋

郭外垂楊繫客船，白頭相見淚潛然。沅湘公子歸何日，海島羣臣住幾年。杜老堂資人共貽，伏生經籍女能傳。萃園長女能詩文墻頭濁酒

沽來晚對話長安暮雪天

偕劉萃園訪弇州山人故宅

蕭蕭紫竹林林外藕花深地是弇園舊人將謝墅尋
煙雲垂老業壇坫一生心太白山人在應聯泉下吟

夜行澱山湖

五月蛟龍會煙波失四維風隨湖舫狎月贈酒人私
幾樹吳王苑神燈秦女祠漁歌欲相問或是舊鴟夷

虎邱題壁

楚客何爲者簫聲不可吹人隨游絮盡愁有夕陽知
獨酌梅生里低過短簫祠靈巖好山色尙與映船旗

過劉仙史墓偶作

仙史小字鬢仙吳中某字永山婦爲嫡虐死瘞之雞埭

下所作詩秋風簷馬二集亦燬之後降幕府客亂中言其事以檀棺改葬虎邱山陰吳橡邨有鬘仙曲予題其後焉

千金買笑屬誰家只半真孃土一窪地火風災應護情摧香折玉
莫咨嗟人間傳語崔羅什海上新銘蔡少霞萬古斷腸文字劫從
今銷盡與梅花

題友人楓橋送別圖二首

青山西望水迢迢紅樹連村葉未飄想見作圖相送日夕陽秋水

滿楓橋

乙丑自都門歸廣陵汪京門爲作秋帆送別圖

青楓江上白蘋津迴首寒山憶故人我亦江南曾入畫展君新冊
自傷神

虎邱寓樓雨霽

小樓爲看山，積雨苦作霾。鳴鳩語我晴，了了朝霞開。遙青多故人，湧出當霄懷。秀色難爲名，奇譎各不猜。橫亘長洲苑，揖讓姑蘇臺。金碧愈滉漾，獅象若轟厓。鳥去淨長空，麥浪泓無涯。蒼莽忽一氣，不辨吳越堆。澹煙落日中，橫飛太湖來。舊遊恍在眼，探桂還尋梅。朋儕零落盡，誰爲具樽罍。我亦不繫舟，欲去定徘徊。

欲弔李西湄墓不得

余在梅嶺西湄訃至哭之以詩

猶是炎州淚，茫茫灑向君。徐公無挂劍，李白已荒墳。宿草迷春雨，空江隔暮雲。諸孤散南北，那得有遺文。

蕪城感舊二首

不分邗溝水，年年洗故人。白頭今夕到，又與笛家鄰。那復理青鞋，園林壓水排。酒邊絃管發，知是小秦淮。

吳瑄谷導游鄭氏影園四首之一

家世案鄭氏名超宗明職方郎中其
錄黃牋并詩皆在影園與休園不同

夙聞鄭侍御邦上有名園喬木撐天地繁花生子孫主人不出客
脩竹自成村黃牡丹何處猶將豔事論

前明末年園產黃牡丹主
人出金杯黎太常詩居首

之酬

慧照寺凌霄花行

君不見木蘭院中一老栢上有凌霄冒千尺雪幹霜柯自葆貞
結蛇蟠作顏色正直誰資依附威青冥竟借蜚緣力揚州城東炎
夏時濃英爛熳張高帷赤虬銜日舒長爪黃鳳翩霞耀彩綬猥
古貌含妍怪勢厭僧廬狹隘風迎露寵絕頂多笑指瓊花渺何
在老僧不辨誰根株清泉十斛日灌輸游人捉席坐其下花驕酣
嬉態轉殊我謂此花計亦得地處繁華易潤澤擇福苟能同正人

攀緣庇蔭甯無益，蔡藿蕭艾夫如何。翹首繁香爲嘆息。

末用梅聖俞賦中語

湖上遇題

杜牧鬢蕭蕭，重過廿四橋。亭臺增窈麗，樽酒得招邀。叢桂爭攢日，芙蓉半委潮。秋風知客病，不送玉人簫。

月夜過邵伯湖

月出荻蘆中，蕭蕭半舫風。潮爭奔漲急，星走太湖空。習病秋多怨，干人老未工。漁樵連夜集，坐對壁燈紅。

聞南豐門人胡夔明獲雋喜而賦此

紙誦孤危日，文章涕淚中。皇天餘老眼，科目待英雄。彩幟倚閭望，

謂湯尹訓湯壁光平樹聲黃韻南黃韻孫李蔚青諸

高郵道中得風

秋色江潭鮮，張帆快曉天。早楓緣露變，衰柳得霜憐。蟹舍低藏水，虹堤半壓煙。此鄉有孫復，重過思茫然。謂孫孝廉振塗

文游臺下作

元祐諸賢者，長留天地間。君王能忍棄，山水不曾閒。三十六湖月，文游臺下環。祇今淮海士，誰得共躋攀。

鸞社湖晴望

一雨變淮海，高空漸有霜。新霞拖杳紫，初日湧蘆黃。澤國魚蝦飯，秋風雁鷺場。一從華老去，誰與玩珠光。

過寶應至邵伯文岸木芙蓉盛開二首

三十六湖水，指東邦。溝塢望拒霜，叢綠波綠草連不斷。十五吳姬立鏡中。

露筋祠前倚夕曛，紅鷺紫鴨一羣羣。芙蓉笑客不得醉，白露秋霜

愁煞君

題程春淦長江破浪圖二首

楓葉蘆花盡作聲，白沙飛湧怒濤生。
長江如綫天如扇，身在金龍背上行。

古冊連牀酒滿筒，羨君豪飲破洪濤。
那能鬱鬱揚州住，亦欲西乘萬里風。

望康山

康山憶康五，放浪幾回春。擊鼓圖名士，琵琶泣美人。
一亭淮海出，千閭綺羅新。今夜羅前曲，繁華不似秦。

吳暄谷齋中白菊花

越水宿鷺鴦，蘋花半夕陽。盈盈出素女，采采落紅粧。
短笛人吹譜，西風客斷腸。江南餘柳在，開盡到秋光。

董公祠

平津東閣招賢日，博士江都作相來。竟可升堂等游夏，何妨作賦讓鄒枚。驕王經術空勞奉，武帝虛名豈愛才。悵望祠前蕭瑟水，野棠猶傍舊帷開。

謝太傅祠

召伯湖頭秋水晴，甘棠祠宇尚崢嶸。白雲黃葉當階滿，古鶴疏花抱井清。恢復中原存雅度，安危江左仗孤城。如公眞爲蒼生出，不比深源只僞名。

瓊花觀

無雙亭子久凋零，后土荒祠不可停。閣迥江廻千里白，秋空天放一城青。鬼神興廢悲塵劫，草木蒼茫問地靈。聞說九霄鸞馭下，夜深猶寫羽人經。

鐵佛寺

寺爲楊吳舊城地

無分三十六英雄都作啼鳥一夜風玉椀翠瓶緣底事鐘魚粥鼓
竟何功江流紅葉孤雲外秋老荒墳落照中爲語南朝廬隱者小
龕愁殺麝囊紅

南唐李德裕主祠在廬山一昆廬像

文選樓

今文樓巷

蕭梁帝子一文樓人去樓空巷尙畱三代以還多體製六經之分
各源流江陵休痛圖書盡邅水猶懸今古秋亦有竟陵殘邸在垂
楊夕照不勝愁

木蘭院

今爲慧照寺

誰識作詩長慶客木蘭院裏一羈畱十年殘芋元難贈一飯千金
未解酬白蘚蟠堦殘壁暗啼鴉入竹斷鐘收如今差有閭黎供飽
看凌霄花滿樓

二十四橋

志載城內今指在城北非

二十四橋潮暗通朱欄繡舫落花中簫聲自古有明月酒醒誰家
多曉風城上烏啼嚴鑰啟灣頭人去遠書空竹西一帶芙蓉水杜
牧重來恨未窮

任寓圃見訪寓齋卽別之濟南

積水茫茫天地秋子來何處繫扁舟共驚此會頭俱白休說平生
淚只流短巷夕陽愁裏路明湖衰柳夢邊樓貂裘寶劍諸年少愧
汝飄零一故侯

皖江周生以琴受知鄂文端相國相國捐館三十餘年有
於廣陵某宅見之予聞急訪已泝江歸矣感舊賦此

忽聞有客話長安白髮蕭蕭戴鶻冠孫閣舊人猶我在廣陵古散
欲誰彈皖江夜雨歸帆急瓜步西風落葉寒垂老病中知己淚不

堪重向董庭蘭

仲二松嵐自泰州來訪余僧舍

君作遊梁倦長卿余時卧病廣陵城寒氷尺鯉那能上出谷早鶯
新有聲萬事雲煙都過眼十年戎馬獨霑纓花前痛飲莫辭醉明
日黃河春草生

關山月曲和泰州仲二松嵐松嵐羈塞上不得歸賦關山
月長曲獻制軍德尚書尚書愛其才授檄贈貲使還鄉
暇日出此曲示余因敘其事和之

明月照關山暮來曉復還奈何老書生十年戎馬聞磨盾朝草檄
入夜珣弓彎雪嶺多朔風六月鐵衣寒後來少年郎兩鬢各已斑
手抱三鷗絃對月歌且彈一歌關山月懷馬起悲鳴再歌關山月
徒御潛涕零尚書停盃聽是誰爲此聲調高緣詞苦毋乃老書生

尚書如明月，當天照崔嵬。奈何稽留之，立爲洗塵霸。可憐關山月，便照書生歸。樂府唱刀鐙，仰看破鏡飛。如今揚州月，燈枝滿堂輝。大婦奉燔炙，小婦進樽罍。尚書玉京去，茫茫望西陲。重爲歌此曲，淚下如纒縈。

送仲一松嵐之豫章

滕王高閣翠微中，此去抽帆望未窮。九疊匡君千丈瀑，三更神女半湖風。共言慷慨從軍樂，仍是蒼涼弔古雄。李白舊遊如見問，爲言畱滯在江東。

邗上送吳秋浦

憐爾敝貂裘，狂歌市上樓。垂楊二三月，潯水東西流。朋舊依誰在，材名愼所投。瓊花不可見，吾亦去揚州。

曉汲慧山泉

第二泉澄徹攜茶趁曉宜山香雲牛宿化氣雨猶疑呼僕敲新火
看僧汲茗棋只恐鷓鴣喚前蹤又何之

荆溪

雨過鰲紋齊人行登畫溪眾香交密樹薄絮點柔泥離墨浮雲出
洮湖入夢低塢歌聲漸近只在聚花西

渡長蕩湖懷溧陽史八錦齋兼哀周奏磐

嶺上繫驄駒花前倒玉壺逢人相寄訊聞子尚馳驅獨打東風棹
今過長蕩湖不知戈浦上宿草又生無

秦磐居
戈岐村

訪朝天宮故址

冥冥仙犬吠隔水碧桃花故殿人耕草荒壇鹿占家風暗離近竹
煙老石抽茶倘有金庭路朝天意正賒

欲遊張公洞不果遙寄荆溪馬明府時在白下

聞說張公洞前臨玉女潭鬼神嬉斧鑿天地富煙嵐不得逢仙吏
何因遂勝探幽陵一壺酒獨酌向山南

洞卽道陵
脩煉處

貞義女

豈有千金報而能慰瀨中孤貞懸日月一死誤英雄波湧紗痕白
祠飄樹影紅壺漿吾自掩灑淚過江東

男姪

聲

如泰

有普孫啟

豐

校字

裕幹

光

沃

紫峴山人詩集卷十八

湘潭張九鉞度西著

姪孫家棧重刊

萍舫集

乾隆庚子至癸卯

先生既至浙西甯揚州省半歲庚子辛丑前後復由徽至
鄂維舟夏口蔡芷影先生所撰渡江見誌驚喜累日盡出
生平所作質之遂為並形製序蓋先生數十年來契合之
神無如此者壬寅訂越大帥之約至杭其人以事敗遂南
贛訴流而上閩門人汪賓九永安署中聞湖下世其村
老病不得遊羅浮作望羅浮七律十首廢然而返別友之
情弱旅之感生死之交焉然畢集賦哀友詩十
二首聲淚俱下著萍舫集

晚渡揚子江

鬱鬱難為住栖栖復此行
依人煙水夢感客荻蘆聲
江帶殘春湧山浮夕照平
多情瓜步月相送潤州城

虎邱夜坐千人石有感

乙亥秋與京江京冠伯崇明李鴻尹都丁南阿數飲

此

賸此千人石而今對老翁行歌聊自惜起舞爲誰雄月掃中天塢
松鳴半寺風休尋劍池水金虎早成空

靜月軒夜坐聽江山人彈琴

幽軒何翛然高蹠竹梧上烹茶候活水拋卷啓清幌月出萬石空
露下衆山響誰理絲桐聲泠泠欲孤往

山塘偶作

短簿祠邊路青山曰曰情病爭豪士飲老逐少年行芳艸愁閒蝶
殘花送夏鶯爭人多豔曲不似舊時聲

嘉善道中

吳鄉與越鄉茫茫一煙水貪看白蘋花不覺三十里

入宛溪

臥行宛溪月不識宛溪名起弄宛溪水悠然詩思生欲尋北樓去
一問謝宣城不遇李夫子何人知我情

琴溪作

雷雨中宵惡波濤困苦辛閏五月初九泊青油坊中夜今朝好風
日涇水碧粼粼欲爲琴高網彌驚赤鯉神桃花潭上路何處問汪
倫

題唐南甯二將軍祠壁

祠在旌德縣北三十里祀唐睢陽死難南霽雲雷萬春
二將軍

睢陽獨遏江淮勢巖邑猶爾裨將祠山鬼鳴鐘奔士女行人下馬
晃鬚眉嘯天黑雨溪蒸水掃壁畫風樹閃旗六矢疑逢城上立二
軍如滅賀蘭時

旌德寓館臥病

天地餘生在寥寥且讀詩故人將藥餌野客贈溪魚花小當心澹
牕斜引月虛向平五畝夢裏欲何如

望梓山戲東劉景堂明府

梓山爲陵陽子降鳧處太白曾遊此

李白騎鯨去宣州山自妍使君放衙罷翠色擁高眠我憶陵陽子
飛鳧在遠天如何古縣令一半是神仙陵陽子何爲陵陽介

歃血臺

梁程忠壯公靈洗誓衆討侯景處在石柱山

石柱擎天樹吼雷雲飛歃血有陳武帝號公萬夫灑涕江湖

湧一將援旗風雨來水過蕭梁梁昭明太子山從宣歙畫圖開南荒保

障如馮盎未必兒孫百代才

程姓至今尚衍皆公後裔

考坑拜桓忠烈公祠

公名彝晉內史死蘇峻之難有俞將軍亦從死葬三溪口

萬石穿荒壘猿聲雜白雲叢祠傳內史遺篋亦將軍共赴飛舟難如褒死闕勲長松將碧血結作翠氤氲

皖江道中憶桐城亡友許嘯斗

鳩茲臥不得忽傍皖公行身世病俱澹江湖秋又生中年乾友淚垂老惜詩名入夜聞鄰笛從頭記一聲

潯陽江上遙寄仲松嵐五老峯下

何事挂帆席行行吳楚閒知君不得意高臥匡廬山頭白讀書處寄言休早還猶將大江月飛照落星灣

道士泐

新秋秀不極，冉冉下簷牕。山急迴至楚，雲空放大江。潛蚪依寺穩，老鶴鬪風降。何必真元子，將思理釣艣。

伏枕旅館不得遊黃山作夢遊黃山歌寄新安楊禹山明府

黃山在眼身在牀，不能奮飛徒徬徨。昨日夢短今日長，故人有書下陵陽。爲我灑掃三石梁，翩然長揖浮叩翁。徑挹其袖嬉鴻濛，鸞車鳳吹迎兩童。得非巢我翠玉樹，不然置之藥珠宮。騎我一蒼龍，云是軒轅時。手擲青瑤杖，所化之古松。一龍騎出盤一峯，萬龍堆作長芙蓉。雷霆冥冥太陰急，六月大雪摩雄風。丹崖朱火噴湯口，軒轅煽鼎遙招手。香砂濯足液鍊腸，沈疴宿暑夫何有。翼生眩眊神飛揚，樊桐咫尺西以望。天門盪開漲雲海，散爲金碧蒸八荒。我欲呼來狂太白，銜杯驅使虎鼓瑟。醉臥中秋石筍疳，不知頭壓星

辰赤蒲團飛打光明頂去年曾約行勝整愁殺仙都月一輪濛濛

隔斷揚州影

去年約中秋登光明頂看月病羈揚州不果

凌歊臺上鐘聲寂滿澗蒲茸

餐那得桃花流水下千春十六靈溪爭送客亦不見黃山亦不見

故人陵陽先生笑我去吹入大地多炎塵百年境遇隨所適休令

歌鶴啼紛紛爲予寄語溫白雲風泉明月猶耳聞

題南豐門人湯望光聽松小照

與子真嶺松前見雪壓蒼蚪天一綫與子羅浮松前別海洗丹梯
掄曉日松陽門外開不住揖予又訪九峯樹十年離合難具陳長
抱歲寒結遙懷軍山萬丈盤雄雄子家城南積翠中老松兩株干
霄立勢掃旰水撐鴻濛仰看如橋倪如梓清泉秀石春復冬霜皮
黛色二百尺皆與今日之圖神骨同我時思子見雙幹愛此輪囷
摩挲看影垂荀氏一堂星香滿梁家三世案南豐民仁士多壽况

此良材老彌健我今來自五松山若亦荊州打棹還
相逢展圖對江漢使我碑石開心顏聽松靜坐雙松底
彩色敷腴知所以天涯白紵遊子衣不是尋常行看子
與兒驅幹偉七尺即壑之中那置得望雲便切馳心自
米原來文字力清風吹我忽軒爽芝草琅玕滿溪長
香葉長流鳳栖奇音但送笙等響春華朝菌一瞬耳
報親屬志宜孤往大河北望茫茫秋于今欲別之并州
我聞太行恆山一千里長松絕壁穿螭蟠龍鱗潯水洗
不盡至今猶作丹霞流子行倘遇僊徐青平公乞之滿
注瓊杯中歸脫征衫耀彩服雕盤雙進壽酒和御膳
飽愛顏如童再呼道川老畫翁補以慈竹孫校桐他
年我與君來軍峯應子瑤琴一曲彈松風

金陵蔡荏苒二十年前余於施鐵如祠部詩中神交其人
今冬客夏口忽自武昌衝浪渡江見訪驚喜累日作詩

三首酬之

浪湧青山雪打堆，翩然一鶴渡江來。共驚冒險狂生態，獨許論交大雅才。夏口衝風吹髮急，古城寒日抱詩開。蒹葭落後盈盈水，更擬扁舟與溯洄。

誰令海內有斯人，尚擁殘編楚水濱。詞賦事關賓客大，芷蘭天結夢魂鄰。高樓風雨還今古，中夜弓刀泣鬼神。于見芷形詠物詠史詩皆有悲感千古之樂垂老飄零無以報，願將甘節葆清真。

施子材名天下稀，誦君詩句袖珠璣。乾坤老大吾徒在，風雅孤行僞體非。敢說介交元協律，從今低首謝元暉。寸心欲別知誰向，迴望仙人第一磯。

十一月二十四日偕湯璧光破浪渡江赴楊生永思之約與蔡子謹飲竟夕二首

江東一賢從待我啓清樽但喜客偕往不知江怒渾雁迷金口樹
鼉吼武昌門前日狂生蹟相尋狎笑言並衫初訪以
大風浪江
江風催客入阻我作寒威雪意山交下天聲城欲飛高齋宜賭酒
密燭況爭輝復此題襟會連宵未忍歸

乘雪渡江中流作

雲氣全荒子敬營潯頭直壓鄒王城中流潏潏舟盤勢千里蕭蕭
雪打聲病仗宿醒將力圖老羞險句欲誰驚江南江北迷濛樹今
夜孤燈無恨情

謝蔡子以詩訊疾

衰年多胃病伏枕更膏肓雪外故人夢江邊孤客燈俗懷圻階竹
老句壓溪藤只訝維摩室天花落幾層

漢陽喜晤南豐門人趙畏亭二首

黃鶴一聲笛，人知趙倚樓。才名留漢觀，詞賦寄荊州。天海逍遙夢，
琴城十七秋。今宵江上月，照滿酒波流。
老眼留吾輩，雲霄萬仞看。何能遲驥足，好更快鵬搏。文以雄深遠，
交兼忠信難。猶懷千里志，相待整雕鞍。

偕南豐門人趙畏亭湯璧光趙蕙堂憩鳳栖山前園亭首
唱一首

荒山受亭館，名與古人謀。海上成連去，心邊漢水流。霜乾湖有路，
地暖樹如秋。勿問知音者，同將破旅愁。亭俗名牙臺

渡郎官湖登梅子山亭見王南漳少林詩在壁

仄磴梯湖上，層亭插石寒。故人詩偶見，遷客感無端。霜圻長江穩，
天驅落木寬。如何今夕月，不得共郎官。

蔡芷衫過寓留宿二首

古者不可見，吾生有典型。鞭心良友業，端坐正聲聽。燈影浮江白，

天風躍劍青。今宵懸鄂渚，最近少微星。

正形館武勝門
古鄂渚地

去住渾無計，栖遲只共憐。深堂迴顚氣，明月促霜天。沽酒闌中夜，

歌詩壯老年。還思京洛客，白髮獨蕭然。

謂施嶽
加祠部

壬寅元正三日同蔡十二芷衫登晴川閣

客中無歲時，以友往來紀。誰知履端初，迺作遊事始。春氣綠天地，
秀入江漢水。空閣飛雄雄，風日與清美。攀綠夏祠巔，想像魯城尾。
猶新行櫟蹟，久荒卻月壘。往者不可追，來者不能已。簷端一招呼，
茫茫笛聲起。

泛郎官湖

湖如息夫人，脉脉不欲語。淺翠漾空岑，秀霜洗枯渚。一舸荒蓼中，
樹色各汚楚。佳趣得吾輩，徐徐行又阻。蘭芷靜欲生，荇藻明可數。

儵魚避天鏡，鷗鳥不攫取。羣動猶晏息，方知太虛古。去矣謫僊人，好月誰爲主。安得侶君居，一竿小煙雨。

登梅子山逍遙谷

梅山或尉名，其上可遠矚。昔攜二三子，天空駕落木。尋春得佳士，危棧緣纖竹。大江流絕頂，羣澤轉長轂。飛鴻平楚下，各各不相屬。城煙與市瓦，亂錦眩我目。此是新化工，寵我以晴旭。誰歟有心人，鑿此逍遙谷。遊屐無謝公，荒苔走麕鹿。僧雖能餉客，薑芽勝黃玉。綠萼笑不言，悠然坐棋局。

下鳳栖寺

徑僻不厭誤，心愜不厭疲。匪航化城居，迺以舍人詩。大驚黃葉響，魚出寒塘疑。老樹落鵲巢，禪關方在茲。梵聲出颯沓，苦茗味土宜。蒼然澹煙合，老花繁幾枝。共趺芳茵坐，喚渡船頭遲。吾儕元化中，

但隨所性滋夕陽下冥冥吾亦忘所之

元正十日丁吟霄招同蔡芷衫登武昌北城曉眺歸飲擁

翠軒遂會宿軒中紀謝三首

神僊在流寓處士有青山心以園林見天容野服間條風新柳事

初日故人顏此意平生重相攜坐薛斑

黃鵠山爲晉處士戴仲若隱處

山城不見底秀削武昌都竊窺連元氣微茫俯綠蕪鳥行蒙日下

湖意入春蘇稻蠲茲卿味秋深倚憶無

城下臨沙湖產蟹

城頭呼月出半鏡澹天東生菜和香脆疏花襯燭紅狂言蒸酒氣

別夢問江風他日淮陰路吾思丁孝公

上元蔡芷衫冒雨渡江赴約并紀以詩

今日新煙雨春光總爲君老知天地態狂戀別離羣雷送雄詩入

江傾急酒分隨他三五夕月采闕寒雲

是夕不見月色

同楊竹軒弔宋孝婦石榴花塢

慈鴟啼汚郊一塢齷而怒春草不欲生何況榴花樹孝行變羹湯
天意毒何故誓花就歐刀奉姑黃泉路羞作三年旱用苦我村聚
憤血紅葩然哀心鈴語訴遂感真宰泣沃以天漿露嗟哉疑獄難
澄慮求平怨爰書一不慎萬代恨沈錮世無漢子公誰能辨冤婦
叶牧豕禁市廛撫碑歎翁嫗休尋夫人祠色似桃花誤是日尋桃
未得家試索色
似疑作色以

魯將軍墓

墓爲荊門州王
奉齋刺史新修

岷江流魯山桃花變春聲其上魯公城其下魯公塋偃月壘荒蕪
黃軍浦亦平安知指囷者馬鬣新崢嶸江東將相才吾愛橫江名
忠順如諸葛勤勞先士行軍中一卷書鎮靜人不驚慷慨借荊州
心事何光明欲伸桓文義以扶漢鼎傾短祚笑周郎徒作蠱觸爭

終致紫髯兒附賊背親盟黃初捧冊下何人哭都亭泉下有餘恨
鎖穴風悲鳴

入興國寺遂上大別山

春陰足可惜腰腳氣不降遙望翼際山徑欲凌崆峒柳色間紅籬
溪流度石幢涉趣靜始妙不必驚花厖仰穿拳確行漸見多帆篷
靈祠攀無際伐鼓聲逢逢雄風捲新羅神女愁窺牕羣青合濛濛
不辨湖與江恍疑太皞燒收氣爲敦龐寥寥素雲中著我屐一雙
斜陽催大別欲下搖玉缸畱滯亦偶然吾將理解纜

夏內春遊行同蔡子作

欲愁不愁鶯語多欲行不行人奈何春光迷濛作駘宕幸有蔡子
忻來過花朝著處嬉遊集我豈無事聊婆娑大別晴崖禹栢翠渴
湖倒影搖微波橫牕遠繡碎不得煙火鬱鏡江聲磨飛鴻迢迢一

北望夢中春草生黃河卻瞻萋萋苦菜浦

水經注江水又東得苦菜夏浦以今地攷之浦

即後湖至九河一帶

前辰偃仰多平莎白雲隨我度湖去黏空麥氣漫陂陀

神簫社鼓舞雜沓茶簷酒幔風安拖坐久桃花落四五漢水欲化紅香羅今年二月未耕堡三農望雨期常訛天心豈爲屯膏惜勾芒司令或違和吾曹作達亦何益俯仰歲月嗟蹉跎安能共呼醵龍起爲我七澤傾滂沱莫須樽前計去住再來痛飲聽農歌

仙棗亭同蔡芷衫作

我從海上來不見安期棗卻逐寒笛聲同上武昌嶠當時問道人狡獪毋乃巧太守不能僊小吏安足道如瓜一飛去蔚藍天浩浩空餘兩槎枒茫然對人老沈吟萬年中何以閱昏曉昔人此亭作今人此亭保短牆緣繞之冠蓋笙歌擾其上罡風吹其下白雲掃誰窮九地根誰酌三漿飽徒臥乾坤癡不受江山槁蒼龍縮其皮

那肯露鱗爪。素月一迎之。鶴飲瘦天矯。我思金精液。不敵一樽醪。
心爲玉門核。骨作房塘寶。神女笑於人。摩挲亦草草。會當擲其餘。
使子顏色好。棋響若有人。種者自三島。叱叱先生來。請問實多少。
蔡芷衫邀登黃鶴樓。同楊永思彭思贊兩世講。

古今浩浩一元氣。樓上司勳偶得之。寒日照人老。又上白雲待子。
來何疑。放歌楚國江山大。送客揚州雨雪遲。爲語同遊少年者。有
才鸚鵡莫題辭。

贈黃曙東明府三首

不辭漢水廣。不畏江水深。采采芙蓉花。持以訪同心。昔思大海南。
邈隔雙珠簪。今從東方來。引領荆山岑。吳楚雖修阻。盈盈一帶襟。
文章敦氣誼。重若天球珍。萬古此膠漆。何況樽與琴。秋風西樓吹。
老鶴下長林。梳翎引其吭。雲霄思追尋。誰贈青田芝。使暢九皋音。

南紀都荊州江陵古雄縣達衝地四塞俗勁風百變連逃多潛賊
豪猾儼踞轉豈惟儲侍繁腰笏疲挽牽于政由經術剛若精金鍊
刈莠長嘉禾治絲絕勞亂手擒羣荏苒探丸皆股弁不圖弱書生
勇捷貴育先以肅投鉅擣何心績書薦吾聞治浩穰柱後曹文善
宰劇宜用嚴此議吾夙援于才更十倍驕驪逞飛電坐看頽川衰
欲請虞詡傳

迺尋章華臺迺咏舊渚宮迺開龍山樽迺延作賦雄吾徒濟濟至
談藝琴城同趙亭湯光壁既鴻鸞二揭命皇亦鵬翀子弟如惠連南詠
岸幘攜詩筒相與眺平原浩氣連巴庸惜我觀政遲淹滯臥江東
茲望絳帳臺何由繼馬融于其珍珪璋令譽保始終露冕從茲榮
用以慰衰翁再聞絃歌來披襟快雄風

雨霽渡江飲蔡子齋中晚歸蔡子攜楊生送至江岸作

天以風與雨。地以江與漢。膠漆固相思。寤言入慨歎。來非車馬喧。
去無兒女戀。豈煩滅竈炊。不作樵蘇爨。此是寥天一。灝氣爲聚散。
昨宵攜弟子。送我出城閤。信步超洪濛。高歌狎浩瀚。華月流霜先。
疏星動松半。鐘黑縮黿鼉。帆青點鳬雁。夾城燈火浸。荆衡珠一貫。
晏陰閉其房。而爲啓燦爛。固知大造仁。用照古詞翰。去者尙中流。
送者渺江岸。離襪凌無聲。微波惜流盼。

別芷衫五首

紅蘭下瀟湘。流作故人水。東繞武昌門。楊柳青不已。平生心忡忡。
重繭適萬里。徘徊此一方。亦旣親君子。賓鴻漸北鄉。海鷗亦東徙。
人非生離別。何以見終始。行行重行行。大王雄風起。
萱草見忘憂。卷施心共束。與君結新知。暖意在霜木。豈無盈盈水。
相憶卽相逐。朝攜楚樓登。暮擁鄂被宿。冰雪延春梅。似爲吾輩綠。

譬彼江漢流一合無斷續萬古有離憂文章一骨肉

昔聞楚卞和抱璞齋涕洟天地有真性元氣爲攻治奈何使俗工
瑱細鑄龍螭蒼蒼松柏林其下桃李姿嗜好殊酸鹹甘苦慎所施
守此無他心誓言長相思陋彼雙珠簪拉雜摧燒之豈不愛今人
恐爲古人悲

漢濱有游女古者不可求一逢鄭交甫捐珮來中洲感君若春風
遇君若明月微辭託杜蘅芳波惜羅襪常恐禮防疏不得證皎潔
如何陽臺女妖冶事荒忽從此慎神光方舟末由越

太華有三峯其中曰玉女顏色若陵茗峩峩望而阻感于來夢中
歡然道肺腑誓將往從之羅浮合風雨西南三珠樹巢者多翠羽
黃鵠不可羈白雲渺然處

君寓武昌夢與施鐵如同訪余於
夏口歡若平生醒作夢友行紀之

留別崇仁楊葦棠三首

伏枕秋風客，聽蛩老樹陰。感君扶藥餌，慰我以豪吟。君工詩，余爲點定成集。

名外文章大，門前江漢深。自從蒼薛破，雙屐到於今。

結客黃金盡，辭家紫業難。由來稱杰士，不屑守儒冠。逸叟開仙橘，

騷人接佩蘭。先生能負局，來往此江干。

離羣平昔淚，老去益蒼茫。何況此晨夕，相憐余古狂。龍文飛一劍，

鯨力鬪千觴。待汝江南月，瑤琴鼓數行。君能琴。

送彭麗輝自漢陽奉母歸茶陵二首

尙書昔日啓西園，典籍俱番許討論。每過郎池頻灑淚，空勞湘水
爲招魂。楚風大事誰能補，樂律元聲尙有存。今日江頭念知己，羞
將白髮對文孫。

沔州西郭奉花輿，春滿茶陽憶故廬。已識魏舒成宅相，更聞德曜
伴琴書。丹山萬里新雛鳳，玉殿當年舊賜魚。況有詩才兼畫筆，風

流王謝未能如

潯陽江上寄蔡子

故人日以遠江水日以深
不畏江水深西望難爲任
白雲起蓬蓬飛鳥連夕陰
方舟繫湓浦桑落愁停斟
亦有匡廬雄無由發豪吟
一失文字歡顏色皆蕭森
愧彼五老人晨夕相倚尋
別離復何言所重瑤華音

真州謁文信國祠

清湘堂上淚模糊來寫蘇卿大節圖
直借危城興義旅何期蜚語誤庸夫
運膺重坎心彌壯力轉閒關事不愚
今日靈祠刊水畔南枝風雨夜啼烏
宋棣注信國公指南錄入城蘇詩序云入真州城守苗再成迎見語國事移時感憤流涕即款之州
治中住清邊堂又題蘇武忠節圖序末云丙子三月二日執筆于
清邊堂之寓舍又議糾合兩淮復興詩云清邊堂上老將軍謹按
清湘堂疑作清邊堂清
湘字當非另有所據

浣紗祠

祀雞山下一祠紅投瀨千金報德同天爲亡臣畱事業地多女子
識英雄花冠映竹垂香雨白馬乘潮走夜風可惜蘆碕身殉後只
憑脫劍贈漁翁

眞州懷施鐵如祠部

所思在眞州言尋長風沙北望愁予心佇立水之涯大江青入城
白雲滿其家仙郎文采地天爲儲菁華譚藝有同心滂沛吐寸葩
一倡復古論始知獨妙賒驕驪天闕驚駘隨鞭過晤賞良久違
羈旅祇興嗟自弄清淮流采采芙蓉花

眞州城河曉泛作

邗溝潮通城一葉輕縈旂連橋架秀木三里聞鳴蟬水閣匿宿雲
船語化翠煙離落樹交花琴樽人各天紅鷺逐相泛啄木靜得傳

老病事因循
生趣聽所便
卽此慰羈留
茶鐺娛清漣
稍待明月來
支枕涼風眠

寄蔡芷衫武昌二首

別君復幾日
螢火盈前除
客思日以遠
暮雲連夕虛
相望大江水
不得西流魚
但守文章好
休嗟音問疏

故人讀書處
江繞白沙長
修竹碧荷外
青苔聞路香
以余連夕夢
臥于舊匡牀
猶認門前柳
絲絲是武昌

余寓張仙祠芷衫舊日授徒所

山塘觀神會行

白日沾浩塵
夢夢吳郡填
咽天黃紅
主人促我山塘去
門開闔闔
無由通神駕
未出越溪東
俄簿已拂柳
倚楓旂旂
旂旂望錯魚
鳥戈
鎗照耀列豹
熊真珠之傘
瑟瑟扇方圓
前後各不同
行廚金玉山
海錯舞鼎注
物商周銅衛
士吏胥皆身
拾近有內官
婦女充龍涎

甲煎隨地委八鸞六轡鈴花驄神之來分紛總總珪冕王者非三公萬人無聲市颯颯似有雷雨從以風山塘銜尾大小艦文錦爲席翡翠篷神隨人遊那得意酒肉之氣熏長空三千魚腸金虎起舞之欲借勳闔宮頗聞上帝居穹窿樹以絳闕戟雲中道人閉關索重賂迺令衆笏朝天翁燈枝歸路走百怪石湖倒煮搖星虹觀者入夜更雜沓六街誰下蓮花櫳目眈馬上去不禁往往拾取珠耳琬吳人好鬼事侈靡况恃神佑爭豪雄一傘之費中人產一旗之組千女紅明年厭棄恐遺棄別作淫巧誇尊崇聞神正直明且聰能福蠶織禾麥豐降祥降殃自有法豈肯喜怒爲人蒙琴瑟擊鼓詩祈穀蘋藻亦可將其哀願神憫之少示警毋竭物力爲神恫崔崔之民安有窮吁嗟乎崔崔之民安有窮家試按先生此作規而兼諷婉而足戒與空同于元明言行爭勝皆有闕世教之作到笑初師刪去神隨人遊以下五聯似於通篇不稱今仍其舊存之

吳江城西晚眺懷同年金韻言

震澤秋水繁松陵，匯東赴決潏三江。潮迷濛諸州樹，長橋貫虹勢。
重溪曳煙素，岫遠澹麗生。城浮虛明故，方因行役勞。遂得泛遊趣，
清暉澄浦轉。流雲引林度，深入幽曠兼。翛然日將暮，樓垂橘柚市。
棹礙菱芡路，微風便漁歌。聞聲不知處，臨流高士祠。亮節夙子慕，
長貧失耕稼。將老困世務，聞君有遐志。休使鱸魚誤，無語鼓瑤琴。
乘月沿流去。

桐江道中

夜乘錢王潮，曉問桐君廬。新霜斂江鮮，天池清華初。岸曠多楓柏，
岫遠衍村墟。輕暎暄杳冥，雲錦各卷舒。散采入浦沙，澄明見儵魚。
浮圖漸近城，連峯紫芙蕖。樓閣緣峻嶒，松栝嵌密疏。丹霞從東至，
海氣三洲虛。吾生憂患多，遇境爲祓除。信美茲山川，後期有樵漁。

富春山

昔人有龍德一釣山水清
秀石澹不姿各挺天貌生
舊經苦積雨茲晨快新晴
峽暖雲吐妙巖寒風多聲
丹楓態萬變下浮黛膏平
鳥度屏風見花拂玉鏡行
雞鳴翠壁閒一臺出空明
望望那可攀渾疑蓬與瀛
客星關象緯大隱非好名
敢云希遐蹤聊爲抒古情

蘭溪

凌晨戒榜人江霧只蒙密
霜鬪沆瀣收遙香降非一
微風吹參差洲渚漸可悉
高閣濕宿雲孤城挂初日
市煙鬱以散眾木垂朱實
雪銷澱溪青欲浮金華出
曰予爲茲行茫茫在倉卒
世事饒變態浮生治無術
清景寫我懷庶以當琴瑟

月夜行湖鎮

澱溪似瀟湘溪石清見底
兩岸多漆林一州富橘子
寒月蕩灘流

東風便帆駛，曖曖轉麗洲。溶溶擘鮮水，遙峯姑蔑城。遠火龍邱里，
村火寂更聞。漁歌斷還起，瑤胸何時滌。塵鞅苦未已，興感亦誰緣。
停橈自徙倚。

途遇彰化沈少尹約同遊爛柯山阻雨不果卽送其歸閩
行歌將入爛柯山，不見青童導客顏。寒雨江頭明日別，白雲海上
幾時還。滄波入夢孤帆穩，清酒論文兩鬢斑。我到交州東向望，青
天一髮是臺灣。

歲暮行

歲云暮矣役不休，老之將至多離憂。北風怒號欲作雪，昨日今日
江猿愁。去年朔漢水盡涸，高檣大舶行阻修。今年嶺石灘十八，飲
山歎野漫漫流。崑崙天柱孰可測，虎牙中人如戈矛。黃鵠六翼遊
江海，白鶴伺之挺其喉。祥鸞欽鵠兩不辨，鷗嚇腐鼠卑可羞。萬雀

得計騎毛羽巢堂入幕鳴啁啾男兒不得行權謀無田可耕地可
糴只合彈劾行九州不然七獄西山頭灘兮灘兮良亦得我今浩
蕩隨鳬鷗家杜注是年先生赴越大帥之約至武林其人以事敗
考惟先生此行攜稿三卷幾六百首為陶舟借請五鼓移舟他從
早發先生不勝憤懣者題李潮陽暴書圖云我生憂患多各轉半
散逸蓋傷之地也

永安雜詩四首在門人永安明府

盤興東上歷巖岬斜日孤城映水看百崗雲煙銷虎窟九峯紅紫

聳雞冠前明為藍城縣城縣城四十年殿正茂平之浪遊垂老栖

邑壯志乘春息羽翰賴有故人相慰藉衙齋杞菊勸加餐語竹坡

日路胸

迢遙南嶺白雪飛丞相祠堂客到稀湧地甘泉皆劍氣蟠山火燭
向中威天驅君后重溟盡力竭山河百戰違壯矣枕戈鄒義士先

將碧血裹戎衣

南嶺距縣治百餘里宋文丞相兵處丞相以每

名火燭鄒義士源戰死葬此嶺下

誰將奇策殄妖氛江上猶懸孝子墳卞壺一家歸毅魄魯連獨隱

恥功勛天清禾黍安鴻戶日落城原散馬羣牲醴百年應食報何

人銅鼓號將軍

前明義士黃讓以奇策干顧養謙賊殆盡乃立

不受至今祀鄉賢父子墳皆在秋湖江上

號孝子墳邑有將軍石陰雨每聞銅鼓聲

安危當日荷羣公

厝火毋忘撫戢同三水分趨歸海急萬峰盤踞

出樓雄

秋湖江神江合東江至惠州入海琴江合韓江至潮

緣壁朝霞滿鐵冶穿山夜炬紅邑多銀錫礦前明募人招募亡命

仍盛獨我遲迴思攬勝秋來火帶盡丹楓

訪韓城衛卓少於興甯自上鎮墟行三日抵長樂客舍風

雨題壁

蠻花不識名蠻鳥但聞聲絕磴旋螺出深坊傍虎行欲尋人去
直過越王城江上風兼雨知余廿載情

憶昔行贈衛二卓少時代提調梅州試事

憶昔任君坐上初相見名姓未通轟揖戰兩雄角力三百杯賓客
觀者皆股弁從茲跋扈長安陌肝膽傾投無所惜旗亭僧壁墨淋
漓出手壓倒羣兒百青陵門外送我觴酒酣舞劍雪蒼茫君亦真
州作吏去大江彭蠡遙相望衝潮吹雪麻衣走相逢仍在銅街口
胸次誰清六斗泥詞章各富千金帚天風騎下五仙羊同逐羅浮
小鳳皇紅梅驛吏寄不得獨駕扁舟出大滄才子文名能負荷
鼠燒藟無不可頗聞亦有黎干載酒堂中禿翁坐量移內地首
更俯前驅封鎖後貔虎歸來欲寫玉局詩海上將軍方好武我亦

飄零過江許，破帽蹇驢傭。保伍去年重，過真州城思君不見徒延佇。梅州城下江，怒號黑風紅雨連。城高鷓鴣鵲，鵲求其曹我亦思君。氣鬱陶，壘山重。繭何辭勞，燈前一見笑握手。女兒酒熱君知否？彈碁縱博自相娛，可惜天涯皆皓首。吳君豪邁亦絕倫，李生陳生夕與晨。爲君淹留爲君舞，灌夫醉叱謹不嗔。升沈吾道龍蛇多，遭妒往往因修娥。男兒不死當離別，惟有意氣難銷磨。桃花落盡梅江白，十日聯牀明日隔。秋來同踏神光山，更與銜杯話疇昔。

題鐵漢樓

依然鐵漢，睜睜仰視高撐白玉京。孤客瘴雲萬後死，一樓山水報先生。人將清節程啟共，閑近藏文方漸名。城下梅江城上樹，西風長似讀書聲。

與甯陳生好之訪我永安署齋喜賦

梅江百尺繞梅岑似爾拳拳一片心惜別詩篇連篋重獨行風雨
萬山深起聞乾鵲晴偏早快吸長鯨醉不禁南海明珠垂老得飄
蓬何以副知音

聞衛卓少歸與甯後復捧檄解餉詩以送之

豈料量移辭瘴海猶煩轉餉促王程孟郊不是迂疏客馬援皆知
豐鑠名永夜狂歌銀燭散秋風大道白頭行長安舊侶皆何處知
子相思在鳳城

題龍女牧羊圖

碧雲貴主翩然住曾向涇陽作嫠婦維羣三百情雨工荷筆相隨
紅淚注一朝破陣錢塘返貝闕金堂奏絃管柳郎高義寄書人瑯
樹釵聲敲欲短羊城畫客白描手愁態仙姿非世有虛齋懸出對
瀟湘波濤似欲迎龍叟魚鱗山前昔問津明璫飄忽陷池濱誰知

朱槿紅蕉裊猶見風鬟霧鬋人

東江古意三首

家住合竹洲生來不識愁自從郎去後日日看羅浮
欲贈相思去雙珠玳瑁簪如何紅豆子不得種江南
欲打木蘭舟東江月淺愁將刀剪潮水不許向西流

望羅浮十首

排風大翮傲天關百粵鴻濛一氣環萬水東來浮絕島九州南盡
見名山璇房瑤室虛難問白犬丹雞去不還生在朱陵知地道短
衣來往碧雲閒

佛嶽朱陵峯下水簾洞有地道通羅浮山

華首臺高嶽勢雄千帆掃盡海濛濛龍簷竹合青冥裏颶母輪銷
錦繡中天碎芙蓉藏古雪淵翻金液倒酣虹我來又值離支熟更
嗽神漿御曉風

四百靈君旌節開揖余金闕白銀臺天雞浩浩日初浴神鼓荒荒
潮一來真誥祝融誰佐命清詞斗府好追陪散仙老作江湖業
鳳管鸞未擬回

鐵橋無底雪長封一縷風搖海萬重日月死生丹繼火風雷歌哭
七星松盤旋顯氣虛放杖破碎蒼冥赤帝鐘咫尺蓬萊橋不得更

何宮闕問黃龍黃龍洞舊名南漢宮故址

桂父顏因入世靈安期爲避秦停誰教五百童男女盡種三千

老茯苓天地元唐周甲子衣冠龐古漢圖經而今耕稼無私地望

裏虛看似書二十年來諸峯巨竹奇樹爲種雖者伐盡悉望

鹿陵趙雲松觀緊裏極往遊索然而返至今遊者絕少惟遠望以領其勝而已

勾山一令來南海鮑守羅浮爲證盟豈有神仙緣好色何妨兒女

有深情雙絲井汲蟾蜍液五色裘飄鳳子輕聞道半空飛燕起相

將縹緲入瑤京

黃野人來安所之文章雀到爲迎誰石樓三萬六千丈風雨孤標
十二時不分靈區過白髮欲吞元氣入金卮崖前蝴蝶如輪大醉
學麻姑背上騎

天上誰開白玉京真人官府費逢迎十年暖翠浮嵐夢一夜高歌

痛飲情敢冀書生爲主治便題遷客總浮名何如不嫁增城女雲

母餐時絕頂行羅浮四百七十二峯皆有仙八治湛甘泉黃才

何仙姑餐雲母松於雲母洞飛昇東坡詩云天上羅浮白玉京

記得長鏡採藥開竹籬茅舍石斑斑社梅萬古一香水玉女半窗

雙綠鬟春酒何常遲客醉松風猶自避人關不知多少金鸞藥笑

煞花農老不還余乙酉冬寓下甸山中夢至一地人曰此羅浮王女輩小也同自號羅浮花農有羅浮花農圖十年

往來於此

辰州道士會知我二客相邀凌紫霞山水至今遲白袿英雄從古
誤丹砂餐芝啞虎成何侶擣藥靈禽過別家惆悵萬峯無一語重
來端合問桃花耿湘門遊羅浮主辰州道士冲虛觀庚寅余來廣
州湘門約余與馮箕村往遊今道士羽化湘門下
世箕村亦
老病矣

羊城晤山陰吳橡村即別畱贈三首

同受塵勞轉休驚會合難祇愁仍惜別不得少追歡嶺熱秋雲鬱
天遙朔雪寒故人何以報老淚各汎澗

箋奏羣公重材名大布衣勤勞酬禮遇靜慎得戎機時客尙大任
中丞幕府
有蛾眉妬誰傷鳳德輝貝多花下詠念舊興翻飛德大宗伯撫粵
時橡村居幕府

有貝多
花詩

獨釣金龍去蒼茫踏海雲攜將歐冶劍笑別武彘君八桂堂中雨
懷人又夜分長貧餘兩卷山水待雄文以遊閩粵
詩屬點定

酬朱四文治

時先離庫

昔別春明門念君憂多瘡不逢狗監知空獻龍門策平世無奇功
黽勉厲肝膈民生誠可懷官卑易爲力南行催鷓鴣隘館走蜥蜴
通人夙所慕戎府資擘畫筦鑰非徒勞勾稽敬其職猶能事文章
亦足慰疇昔嗟余本凡材罪至不可擇當門咎蘭芳孤根厭蓬直
茫然平生歡追之在海國投贈各有言感茲佩無數擇一作測指保昌舊事

宿六榕寺懷耿湘門

不見舊遊人西風響鈴索明月下虛堂一燈松子落

逢黃四妙巖別駕

君辭廣陵去言臥闔廬城那知嬰老疾復此事南征黃雲漫大海
紅豆垂珠城渺矣歧路間不遠訝合併攬心有髮遂世無良營
飛騰故人多貧賤殊交情尙爲余規畫濁酒歡平生不知秋風入

易與脾肉驚翦燭各無語劍氣方縱橫

哀友詩十首

僧廬伏枕愁孤旅夜雨懷人值暮秋天地茫茫身獨在江湖衮衮

沉長流周君風歌兼師友經籍追隨共校讐一自鳩茲空訪後誰

懸挂劍到徐州熱山周統
詩兩卷

長江遇海湧山黃子家園秀木閒作安定知難久縛尋人何以

尙遲還鍾王書江京手顧陸聲藝第一班壇玷卅年空宿艸片

帆愁過紅塘灣江門黃
震文問

不見武陵柳夫子候潮門外每衝波文章兄弟難齊武意氣平生

獨贈歌五粒軒荒人久去三湘圖展淚如何鄭公卿裏經師老兩

浙門生著錄多錢塘柳
博淵夫

韓君碧海掣鯨魚角勝文壇氣未除南楚一軍前隊卻東方千騎

上頭居生前久已符公論死後翻令得謗書
圖酒梁溪成往事僧

房夜雪更愁予

青田韓錫
昨湘巖

東南文傑數周郎百斛明珠百寶裝
長槩摧摩雄敵壘短衣跋扈

少年場浮沈江國空循吏寥落京華少報章
大海君山垂手別擎

鱸煮蛤費思量

永嘉周鳳
岐泊莊

吾家太史氣縱橫典冊文章學漢京
只合簪毫依禁苑誰知捧檄

下昆明鱣魴出入悲良友鳩鳩同儔累盛名
行李蕭然一肩返九

仙山下少田耕

閩縣索甄
陶希周

太守今之右北平鴻都雙壁舊書生
貂裘寶劍千夫擁蟬鬢鸞釵

夾座迎白雪聲名甯有污金丹服餌竟無成
茫然久作山河隔漢

帝祠前回首情

清流李文
耀芟裳

萬里軍書捷不驚六師供張靜無聲
而今郊勞臺前過誰記良卿

令尹名下馬畏逢狂醉尉踵門難逐慙書生黃金奔走空皮骨旅

櫬何時出洛京辰州李衡殷相

丁生雄才不富貴空向金精化鶴歸詞賦牢愁隨手擲生涯鹵莽

與心違尙書筵上蒼茫別內史山中音問稀舊愛西湖墓田好大

慈生壙付斜暉商部丁序賢人可

汪子秦淮幾迴見主人爲我促樽盤梅花落榭桃花發箏客收絃

琴客彈斷帙零篇滿天下蹇驢破帽走長安前年文選樓前過淚

灑西風禿袖寒東流汪思迴京門

續二首

李生醉下千人石跋履滄浪亭上過吾愛蓋公狂更好人憎太白

命如何秋葦秋蟹縱橫飲銅井銅坑浩蕩歌忽發名卿知己感蒲坂

先燈前相對淚滂沱崇明李尙美鴻珊

武甯詩人一汪
獨許能希王孟蹤
少日齊名將學士
鮮平生知
已陳元龍
忽酒醺醉臥不知曙
幕府疏狂誰見容
老去儒冠還過
我披裘帶索髮鬢鬆
武甯汪
勅筆雲

尋少巖大佛寺

憐君秋易感而我去仍疑古寺尋
幽客微香得妙辭
風生榕影滿
雲落潮聲遲
尙思越臺上
昔遊良可追

南安舟中對酒懷芷衫

對酒詎不樂
因之懷友生
秋風西北至
應自武昌城

初冬清泉丁世講世昌載酒邀遊白鹿洞四首

頻年相望官亭水
此日來尋五老峯
嵐翠蕭蕭連顚氣
青天一一削
初冬滿溪紅樹不知路
墮地白雲何處鐘
公子豪情能慰我
茶鐺食櫝許從容

錦屏霜氣疊巉巖望裏浮圖綴遠杉天外玉虹飛左蠡雲中丹寺
出黃巖石橋野店香垂果洞口歸僧藥荷鑱安得長風凌絕頂夕
陽坐踏九江帆

溪回橋轉翠逶迤講院森沈與靜宜太古松形撐骨幹半空峰勢
壓巔巔石泉瀑詭蒼龍隱黃葉聲行白鹿疑爲問讀書狂供奉夜
郎歸後竟何之

泰州老友畱題碣華蓋松前氣不除江上梅花曾寄訊山中桂樹

更愁予

仲二松嵐辛丑主鹿洞講席曾寄書於夏口今谷口華蓋
松下有手書詩刻石碣朱子手植桂在習院松嵐亦有詩

寥寥遠道倦爲客鬱鬱衰年思著書借得廬敖青玉杖往來西澗
問何如

建德飲周宿航明府署齋

藉甚神明宰淵然著述身同爲入燕客曾作大梁人菊圃分畦秀

桃源滿縣春忘憂似護草一見即情親

建德古彭澤地有桃源五季避兵處

東流晚泊懷亡友汪京門

青溪曾共泛桃花醉倒長安劇孟家今日菊江亭畔淚故人猶是在天涯

入姑孰溪

溶溶姑孰溪隔清碧玻璃半圻江潮上分行帆影齊斷蘆晴下雁紅樹午鳴雞不作租船詠還思謝鎮西

青山謁太白先生墓二首

感此一坏土能憐大雅才青山長作宅明月好銜杯天掃羣兒盡

江浮萬古來提攜餘賈島泉下得追陪

賈島仙墓近在姑孰城西

蛟龍不敢得金粟後身存知己有天子餘芳及女孫乾坤飛大鳥

風雨峙雙門只有耒陽客應多來往魂

望白紵山

風吹白紵歌彷彿出巖阿當日桓元子時聞載妓過雙峰分雪秀
三壇擁雲多聊以望中意悠然寄蔚蘿

重登謫僊樓

百代一樽酒憑陵天地閒曾攜狂客至醉踏大江還我亦東遊者
高樓此再攀如何今夕月不見昔人顏是夜無月

虞雍公祠

自具中原志宵徒一戰名喪師誰大帥急難有書生礪鬪枯江勢
松蟠落日聲君王無遠略秦隴失經營

蛾眉亭

李白去冥冥何年著此亭葉空濡口白霜洗大江青龍氣依天闕
蛾眉拜客星臨磯不欲唾赤幘有精靈

采石磯峭壁下有三元洞僧樓嵌之下臨玉鏡潭險黑不可跂足遊者罕至余從燃犀亭右俯穿石穴得遊焉題壁紀之

一笑燃犀客靈淵有穴通繩腰穿磴絕垂足踏樓雄急鼓蛟龍震長煙鳥雀空尙思搓玉鏡倚月弄江風

男姪

如泰

沃

聲有普孫啓

豐校字

裕幹

光

紫峴山人詩集卷十九

湘潭張九鉞度西著

姪孫家祚重刊

江漢訪古詩

乾隆壬寅

此與羊城訪古詩同一紀遊之作先生自立爲一卷四次
草觴集後

大禹廟柏二十韻

禹跡當時柏芒芒不可尋
美哉明德遠邈矣土功深
洲渚皆登後輶櫟想式臨
甯煩伯翳手移向秩簡岑
江漢朝宗地塗泥作又心
惟條枝偶種厥貢幹同慘
沃以封淵水培之楚石琛
龍虵蟠大穴日月鬱層陰
雨洗菁茅色風連橘柚林
黃牛扶處直白馬祭來歆
大別青無恙雙圭錫至今
種隨元化去續以萬年欽
丹殿重霄外神州一氣森
梅梁同恂悅藥木未銷沈
帛擁衣冠會香飄鸞鳳音
元夷猶拱立魑魅敢潛侵
秀或天姑撫枯非劫火燄
長悲岫嶺字

如對鼎圖金孔檜應偕賦秦松早罷吟空階茲肅拜紀歲是辛壬

桃花夫人石

石豔傾城色山含不語神廟從大楚國名自息夫人粉黛重湖水
桃花古洞春舊恩與今寵漠漠一香塵

漢陰丈人灌圃

古今大機局息以至人心漢水搖靜絲東風與之深鷗鳥或時下
儵魚相逐尋不見灌園叟抱甕方行吟

滄浪漁歌

煙瀰瀰滄浪水江夏洞庭尾茱萸深菖蒲靡美人瀟湘一千里
瀟湘遠滄浪波滄浪漁父醉且酤滄浪騷客行吟過騷客彈冠將
若何漁父鼓枻行且歌水兮清兮濁濯我纓濯我足水蒼茫浦
颯颯夕陽短望弗及芙蓉花西風急白雲霏霏猿聲濕明月滿天

人獨立

鵑鵑洲草

鷺鳥橫天飛孤鳳受其啄鵑鵑閉雕籠淚滴吳江曲鵑鵑之賦聲
悽悽鵑鵑之洲草離離蘭蕙不欲滋但有蒿艾藜嗟嗟天生此草
爲阿誰祇知地下修文郎不知世上屠沽兒行人來登卻月城船
官無蒲霜氣腥文人憤血洗不盡一江煙雨長青青色不媚襄陽
刺史香不拾荊州名士江妃采之褰腰拂漢女步之珠珮委紅蕖
碧杆伴疊臣錦浪桃花浮帝子漁燈昨夜鬼火吐草中慘慘搗急
鼓誰唱哀猿第一聲三湘七澤蛟龍苦男兒既不合適亂國又不
合作賓客寡識冒刑信有之當門被鋤就可惜揮刀斫江水刀澁
水不流舉酒酌洲草草淺酒更愁草兮草兮勿向狂生泣春風萬
古來蝴蝶不見大兒孔文舉又不見小兒楊德祖阿瞞刈之如刈

樊斗筭之人安足數嗚乎有草不生西陵土

大別山鎖穴

嚴霜枯長江朔風搜空壁其下穴怒號日夜不可息昔吳天紀年
于茲剗山脈鐵索橫千尋力涇荆揚隘龍驤斬峽來樓船蹙江黑
銜刀羣阿童沈沈掃無跡王氣黯然收戢壘烏下食誰能鑄九州
塞此大隄阨斷者飄鳬雁偃者伴沙戟空餘石刁騷數條夕陽色
阻險自作昏駸朽治無德國維既不張天塹亦蕭瑟劒門五丁開
銅梁萬夫劈一綫徒區區乾坤鎖不得徘徊魯公城寒月浸浦白
磨洗夫何爲浩歌盪胸臆

武昌西門柳

武昌城外桓公柳盡日黃金踈地垂不綰英雄綰離宮春風猶自
學旌旗

拂盡歌姬舊畫樓
漢南搖落不勝愁
何人斜日寒鴉外
白髮蕭蕭下鄂州

黃鶴樓笛

江清霜白塞無邊
山湧高樓笛倚天
更有秋聲傳別調
不知遷客繫孤船
西風黃鶴心千里
明月梅花夢幾年
莫使蛟龍愁入破
英雄末路是神仙

煙波灣樹

樹色漢陽城
煙波江上晴
楚天青不斷
日暮共愁生
感以司勳句
淒其故國情
如何送行客
兩岸作秋聲

郎官湖酒

萬古郎官月長懸
大別山湖光皆酒色
日日不曾聞夫子
一遷客故人皆好顏
安能載千斛
永夜共追攀

呂仙亭棗樹

草木稟元化一氣爲枯榮
何仙亭棗狡獪殊羣英
如瓜實已歸杖枒臥前楹
酣嬉曠劫中不滅亦不生
雷霆避朽骨日月扶孤撐
皴皴蒼龍皮突怒黃鵠精
將毋玉門核金液潛鍊形
乾坤寂無言菁華戒其盈
我逐寒笛飛來往嶠上城
不知身將老摩挲思勾萌
種者非荒唐胡爲隱姓名
我欲問白雲雲空大江橫

黃鵠磯埕

鵠飛磯斷城尖愁渺渺
浮圖當素秋白日鈴搖老
蛟匿黑風江抱神燈遊可
憐鄂渚盡爲艸何代楚王
餘此邱惟有樓頭尋李白
一帆相與凌滄洲

附錄

金陵蔡元春

氣如江漢水之大骨比崆峒
望裏高古跡蒼茫紛在眼
三湘驚

見此詩豪

男如泰沃
姪聲有普孫啓
裕幹光
校字

紫峴山人詩集卷二十

湘潭張九鉞度西著

姪孫家棧重刊

游梁集

乾嘉癸卯甲辰

河西公既歸道山先生復驚心於海陽風濤之險乃築官
而造嵩洛太行閒未逾年側室何氏卒於里得家書并絕
命辭悵觸感懷取坡公海外舊聞侍妾朝雲歸位及溫氏
超超聽吟許壻遺事撰六加亭記藉排旅悶一時名公鉅
卿酒人追老爭付
樽板焉著游梁集

海陽大雪歌當行路難

冥冥兮前不見江與湖後不見匡廬滕六蹴踏馮夷怒驅天爲淮
黃風糝糊中人手足如戈如殳洲埋樹沒山波奔馳虎豹縮欠蛟
龍爲蝨蟻豎鍛其羽抱巢鳴哀吾欲上太行車噤不得脂吾欲渡
黃河舟硬不敢開男兒可憐蟲誰不懷憂况我白頭不見刺促少
年皮冠而綺裘煮美酒炙肥羔生不甘蓬與蒿行路難嗟嗟汝曹

潯陽曲

萬古潯陽水東流去不還秋潮今有信說到小孤山

望廬山

廬山將客愁青到豫章住底事鄱湖流只下大江去

入龍仁寺

春光入潯郭先滿遠師家小徑泥融草高臺墻閃霞雲松浮嶽翠煙磬落天花留客聞香積歸途未覺賒

雪後送僧上經臺峯

危梯懸雪出遠樹帶雲行鐘別東林路泉知雙劍聲坐深松子落定入藥苗生愛勝應忘返甯耽淨社名

聞南豐門人黃詠南獲雉

門生半盱水兄弟共升堂一第甯關重初心最不忘白頭聞慰藉

雲路看騰蟻猶有荆山璞何時獻夜光

詠南與兄瞻東同受甄拔荆山謂湯生璧光也

沔口登能仁寺高閣懷蔡十二芷衫

黃沙嬉天風顛春十日九日行逡巡沔口長隄有高閣一俯申鄖
勢磅礴青天錯磨紅闌干下臨漢水蛟龍蟠蕭蕭七澤雨意動柳
條漸老桃花寒荆門楚塞入遙望雲錦四維亂帆上碧草中原幾
萬重迢迢心與歸鴻嚮遊人隨地展幽襟休問當年大隱林滿天
明月美人去一曲滄浪何處尋

陽臺山下作

陽臺亦映漢川流神女生涯豔未休楚國君臣皆好色騷人弟子
總離憂春深暖泛紅蘭水夜雨香生杜若洲解識宓妃無定在鴛
媒何用苦相求

陸鴻漸

祠文學泉上

雁橋身不死，名姓豈真虛。世有茶經出，人知水味初。楚材靈氣迴，文學舊家居。當代元真子，風流未必如。

飲羅天門守亭署中

雲夢煙光潤，春城天水溫。桃花連白口，麥氣入中原。文學泉邊路，諸侯席上樽。殷勤書知樂，感歎平生言。

與南豐劉明經漢章夜話

君自并州返，行歌江漢間。我乘春雪盡，將入太行山。車馬故人事，風塵垂老顏。暢茲一宵酒，明日各荆關。

申包胥祠

吾愛申包胥，壯氣矢孤忠。子覆我能興，言格蒼穹何人宗。社稷嘔血椎心胸，七日哭秦庭。天地生悲風，感賦無衣詩。同仇爲之雄，戎車五百乘。與若精蓬手，擊先王祚歸之章。臺官事成逃賞去。

飄然一冥鴻

荆山

良璧遭卞和揚揚曰虹氣懷之獻君王恐爲玉人忌孤貞難自明
求知反成累何如藏荆山完璞歸天地

天門山阻風

天門關吳楚峯勢爭雄雄大江中排之詖盪多怒風秀石蒸夏雲
彩畫螭兒工洪濤互撞擊流膏瀉紫紅昔登謫仙樓落日橫長空
化爲雙蛾眉不洗青濛濛美人眾詠詠灑淚辭深宮空餘舊錦袍
飄零老江東我無運租船長歌依蘆叢晚翠寂不言歎息今無窮

登郢都城樓二首

獨倚層樓眺夕陽舊都城樹鬱蒼蒼北門大野連申息西塞提封
控雍梁孫叔助名非戰伐左徒忠愛在辭章雲霞敷澤猶盤鬱空

說荆山韞夜光

垂柳千條拂漢東當年誰入細腰宮
草臺草冷遊人盡雲夢天荒
獵騎空短夢不驚神女珮孤帆獨破大王風
蕩春雅調知何在翹首平原夕照中

莫愁村

十五歲家麗千金歌舞才曾蒙楚王召
一上章華臺自悔容顏落
休言眾女猜誰歌石城樂雙樂使人催
村在漢江西今鍾祥地

捐珮渚

求之不可得豈有解要計心珠珮
一以渺中洲何處尋白雲春草
影明月漢川深恐附高唐夢休爲騷客吟
牧亭會題長句

襄陽喜雨行

鷹臺黃江乞雨洲
涸魚梁夜鼉語老夫欲歸紫蓋峯
渴煞桃花

際不吐昨宵三更雷發聲雨勢急注如盆傾江天漠漠雲晝黑平
原膏脈皆滿盈城連三峴新翠滴漢水鴨頭浮綠色漁人網集萬
潭深網得槎頭鱸一尺君不見我珂大舩腰環環高檣四角龍子
幡紅杭白稻各酬盡擊鼓吹笙歌且喧又不見大堤女兒花映肉
纈裕文綦壓髮玉三三五五冶遊歸齊唱白銅鞮舊曲明晨將渡
望溪東誅茆曾卜雙芙蓉先塋咫尺奉禋祀更訪高年龐德公

墓在樊城北九十里紫蓋峯三
峴之一又曰紫蓋峯別字以此

鹿門山詒公祠十二韻

風雪出藍關匡廬挂席還畫圖人不見空對鹿門山夫子耽栖隱
飄然遠世懷甯甘明主棄豈借故人顏浩落兵戈外風流耆舊間
醕醢田舍放浪峴潭灣一代推高格復哉孰可攀名先李杜重
品列謝陶班天地包清厚詩騷吐雅嫺神仙藐姑射玉寶玉連環

故宅飛雲渺遺祠香草嫋悠悠東漢水萬古與之閒

漢世祖故里在白河上有古槐卽故宅

天鬱春陵氣神開赤伏符南陽羣將相河北一征誅大樹真人宅
穹碑舊漢都長風驅白水慷慨想雄圖

鄧侯橋

瓦店驛南
故里在焉

天子兩同學何人佐中興摩碑尋里巷仗策想飛騰社稷英雄手
風雲運會乘丈夫各有志不必盡嚴陵

戲題博望驛店壁

君不見班定遠三十六國馳弓刀又不見張博望一十三載持節
旄男兒飛騰當在萬里外縱不封侯亦足以自豪何況乘槎直上
銀河水坐看天孫織錦綺客星一點斗牛間歸奉支機報天子我
登博望城遙眺姑臧臺大夫不可見思之亦快哉方今車師大夏

歸耕耘蒲桃天馬那用隨使臣當時亦是非常人

西平鮑田司馬署中看牡丹

名花忽對客中筵記別花前十六年愁見故人先自破老當國色
轉相憐紅珠露裊殘春候翠幙風薰欲雨天與子繁華都看盡酒
闌池館話茫然

涪川城西作

平陵城外旋飄輪川原不辨東西津洧盤濯髮欲何處渴日狂埃
愁煞人

訪造字臺十二韻

萬世文章祖猶畱造字臺河山天有粟風雨鬼無哀粵自圖書啓
因之點畫開靈光標四目類象會三才奎曜星垂下龜紋地湧來
龍顏長侈哆鳥跡爲徘徊俯仰茲寥濶菁華迺括該陰陽分屈曲

蝌蚪出胚胎變化繁時代流傳俗體裁知能紛自鑿機械亦生災
制作皇終古中天首重回何當虞邑去一拜墓崔嵬

倉帝墓在虞城縣

同裴慎齋登吹臺

幾人天地此登臨蒼莽河山直到今詞賦那能當慷慨酒鑪聊與
共追尋西風亂草荒碑杳落日黃沙大野深便訪三賢祠舊蹟柏
陰踟躕意難任

謁禹王廟

吹臺上

神宮高俯吹臺沙迴合雄都畫鼓撾極浦金堤盤鸛鶴遙天白日
靜龍蛇九州明德謳歌遠萬代成功報祀賒昨夜蕭蕭靈旆返蘭
陽春水下桃花

李八崑谿招同湯五煥亭黃三顯齋豪飲寓廬卽席作

夷門把手各驚疑舊是長安一健兒適越宋人成底用遊梁枚叔

欲何爲風飄鐵墻回輪影天瀉黃河入酒卮公等乘時宜幹濟不妨垂老事栖遲

五賢祠

在大梁書院內

天地一浩氣得之者詩人精靈寄山川離合關鬼神李杜昔遊梁高尉爲主賓酒酣登吹臺浩歌起雲津羣兒嗟碌碌不足當扶輪中州五百年光燄猶鮮新誰爲後來者寂寞餘秋春何李起茲鄉兩雄角嶙峋蒼茫若論交履跡躡清塵登臨雖須臾其重逾千鈞衣冠祀一堂各挈青麒麟寥寥風雅緒得此勢益振其下爲河嶽其上爲星辰

聞相國寺鐘聲

天半一鐘聲階前殘月明西風休妒客不是夢東京

訪良嶽遺址

寒鴉啄土鹿眠莎立馬斜暉奈若何休說華陽宮裏石豪門飄散
又無多

銜日排霞

一夜空景龍門外只東風自從競掘周宮寶都付荒煙

白露中

銜日排霞皆
良嶺奇石名

大興黃三顯齋以藩幕參軍攝孫家店別駕歸汴城相遇
爲述伏牛山險要迺作伏牛山歌

不羨君看陸渾花不羨君聽鳴皋松羨君去年行部地迺在伏牛
之山中此山西與太乙終南通七十二巖控聯商雒包維襄鄧狐
邪離絕而龍旋白雲紫霧不可以辨下爲伊川清水分瀉荆揚日
夕濤撞春懸崖絕壑挂巨瀑日月旋轉怪木叢綠巖甜甜元兕騰
踔咆柯撼石愁蒙茸白楊武靖之關屏風湯下之砦萬夫跼蹐攀
無從其險也如此豈獨望三塗而概二嵩在昔成周時雜居蠻與

戎晉楚互獮薙蹂躪王畿封明季黃巾踞巢穴敗則竄伏養其鋒
蔓延羣盜合力出中原無敢抗擊攻可憐湯將軍死戰血化虹我
朝削平歸疆索山川洗滌光晶融百餘年來遍保聚刀耕火種禾
麥豐孫家一店扼要害星羅守捉環長埔綢繆未雨古所慎牛刺
彈壓皆深衷君登龍池晏絕頂金天灝氣哀哀當心胸嶠函河洛
繞履舄共餘積氣青濛濛吾聞其俗尙勇力女子知戎如秦風山
棚角腦自古民可用毛葫蘆射虎箭刈賊如蒿蓬安得收之講團
練春秋耕穫冬射獵兵可寓諸農前史山棚角腦毛葫蘆射虎箭皆舊鄉勇禦賊者康公
三十四社學義與程子鄉校同詩書揖讓柔其獷悍性使事父兄
長上皆肅恭康太舟基淵率崇時立三十四社學此皆疆場守者事爲我寄語煩
公且沽屠市酒一斗相與狂歌拓戟待月夷門東

繁氏塢又名婆塢與鐵塢對峙

誰踏蛟龍掃大河
屹然婆堦立洪波
年年八萬風輪轉
奈此蒲盧一綫何

笑擲將軍舊鐵衣
手提長帚掃崔巍
桂山長老無尋處
猶有鈴聲語翠微

家拭注桂山長老故明遊野落髮為僧名不樂重修國相太清兩寺合為繁氏堦今在寺中

過信陵君荒祠祠以侯贏朱亥配食

未入屠兒市
空嗟公子名
短衣垂老日
獨客大梁城
賓客叢祠祔
淒涼俎豆情
雄風吹髮急
放浪作歌聲

訪空同先生故宅二首在曹宋二門間

先生故宅今何在
每過曹門立夕曛
奇字近探倉頡帝
雄風長傍信陵君
潯陽出獄空教老
峴首移家更不聞
我奉瓣香誰合拜
禹州欲上大陽墳

先生墓在太陽山

文章光燄一山川
不逐河流世代遷
野澤可餘垂釣地
花宮爭說

讀書年兩雄北地尊壇坫五子繁臺合几筵詞客襄陽還嘆息女

孫能誦結腸篇

家拭注先生女孫在襄陽東熙年間見人猶誦結腸詩見張稭菴大梁遺話

周宮掘寶行

周王山上沙雨白周王宮裏狐語黑汴人三五荷鋤來掘寶日向
周宮覓三尺峻嶒出殿脊七尺八尺露柱礎狂風傾洞白日昏往
往空歸坐歎息吾聞周藩分玉首地據繁華土田溢展親珍賜內
府多裔葉經營瑰奇集自從河濯雄都塞萬戶千門壓土伯石龍
守藏事久誣金仙辭漢悲難匿豈真川媚與山輝聚散迴關大因
革美人拂拭野老搜豔魄香魂那知情當時爭拾孟家蟬今日夜
臺淚同滴但憐圖冊比宣和無有毫茫落人域百餘年來掘寶競
共豔土中爲富國釵鈿璀璨只尋常絳錦雕函俄什襲從來神物
豈易致眞廣古今總難識天心非爲富人謀聊給貧兒一朝食至

今駕瓦與獸鋪，易街頭升斗麥。誰人快作得寶歌，幾載滄桑又經歷。鬼物憑陵，或庶幾精靈來往，無能役君不見昆明池水深復深，何代劫灰敢藏得。

朱棣案周宮掘寶行之前有汴州城鐵牛行其後又有新掘銅轍尊行曾於先生手錄七言古體詩目錄見之詩無存

汴城月夜

向夕紅塵淨，行人溢路衢。星搖兩河大，月散五樓孤。燈火花陰出，笙歌寺外趨。層門相借問，還有鼓刀無。

同裴慎齋遊上方寺

平沙何寺少塵氛，老柏鳴蟬帶磬聞。初夏風光好，畱滯舊都古色。與平分城橫，艮嶽穿奇石，塢出黃河繞澹雲。一操水仙涼意，颯煮茶不覺到斜曛。老僧善琴

述懷

挂席直過江漢水移家不入鹿門山
依人遠道關河外懷古中原
天地間士氣繩牀聊獨遺短衣破帽若爲顏
吾生豈是蓬蒿客便
作浮雲任往還

送黃三顯齋由懷慶轉之滑縣

送余將上太行岑君亦先爲河上吟後日大伾山上望不知何處
白雲深

李左車墓

奇策一朝變山東指顧收不然稱國士何以拜俘囚
古木蟠荒墓
奔河避濁流黃河屢決不割墓淮陰嗟已矣莫怨未封侯

元夕偕友人步出西門歸踏月長街作

金明池水久無波燈火懋樓更若何殘雪城蟠山勢出長街天洗
月華多每逢屠市還沽酒最近周宮莫聽歌選勝昇平容旅客好

同顧影舞婆娑

杞縣明劉文烈公祠

誰受黃巾卹中原憤不奇千秋重科目一死報乾坤身灑龍髯血
鄉歸大鳥魂行人過廟謁柏影閃靈旂

同人飲黃三顯齋寓廬

太行飛過別筵青花影蟬聲秀滿庭明發各須揮手散
煥亭顯齋皆棹檣往
北今宵且莫放杯停誰能逆旅思新雨久惜吾曹散列星只作長
安文字飲蟹胥膏肺味彌馨

楊橋渡河

宿雨成舉返微煙大河生茫然萬里波東風拭之平洪津涉浩淼
天吳靜不驚如借河上翁槎泛蓮花行九州堤表裏三川沙空明
漁歌官渡口樹見滎陽城誰據敖倉粟幾守虎牢盟已矣險阻勢

鏟削歸耕氓吾非擊楫者俯仰娛遐情

望太行二首

大脊橫元氣茫然第幾陁徘徊遵踵趾取次問門庭鵬展孤標直

鵬分眾皺青山川有知己從此出精靈

用酈中尉水經注語

白雲出天井一半凌長河盛良山容變中原雨意多秋風先絕頂

夕照別層阿採藥吾方去憑虛發浩歌

時子將渡大河下太行趨陵川

原武堤上曉行

夜宿河灘店曉行河上堤新露浥初蟬流雲度荒雜微茫大荒外

眾星沒已低丹霞漸次升廣武興之齊河氣爲城郭橫亘嶠西

自古富眺望及今猶端倪所嗟罹世網未得窮巖栖倦鳥樂息翰

儵魚戀澄泥咫尺嵩洛閒清遊志甯睽三花倘可采秋月等枝藜

訪陳曲逆故里

曉行戶牖鄉舊社尋里中不見中郎碑徙倚荒祠叢微風霧不與
蟬鳴何濛濛窮巷舊席門由來出英雄若非魏無知安符宰割衷
陰謀道家禁以智全始終天遣漢業興豈恃籌策工交權同太尉
吾欽安劉功

紀侯墓

墓在節州

夕陽馬蕭蕭獨過古戰場西有紀侯墳欲拜還徬徨風吹直節州
百尺撐穹蒼名在山河雄骨歸鼎鑊香火雲鬱京索丹旄猶飛揚
愚哉沐猴人失策棄放倉徒矜萬歲呼杳然真龍翔三傑未及謀
殺然蹈火湯壯士兩就烹赤帝祚迺昌胡為帶礪盟不為泉壤光
駭鹿走無羣悲鳥失其行亦心血一痕熱我萬古腸三十弱女子
何足關興亡

嘉應

嘉應州龍湖縣為武

密樹捲旌旂，蟬聲赤日秋。鐘鳴千里應，碑壓百靈愁。洛水穿山下，黃河鬪沁流。年年防汎急，神貺未須憂。

曉行沁口

月下蓮花口，雞聲翠靄間。幾行綠坂樹，數點隔河山。幽意隨孤往，新涼慰老顏。丹墀遙在眼，明日遂躋攀。

木蘭店詩

木蘭北魏時商邱人，北魏成柔然界女，代父從軍，渡河由太行入平城，至邊武陟，其經宿地不知今何據。改木蘭，余不欲從俗作詩正之。

木蘭店在太行東，老樹橫堤夕照紅。地近耶孃猶入夢，州通邊塞此從戎。雲飛鐵騎秋無影，天隴黃河夜有風。多少男兒名姓盡，路人長說女英雄。

木蘭代父從軍十二年人不
知其女也賦成邊詩傳於世

晚觀沁河漲

沁勢雖懷州其力不可禦昨宵波有聲知是蓋州雨川氣蒨芻蕘
赤日關平楚初霽枋門口漸制邳臺渚延紙駭迅趨劈箭激渴怒
長堤一絳搖與梁孰持社所幸巨壑容圻岸好延佇眺邊落霞滿
原際涼蟾吐樹影隱銀沙星河曳珠組暝色丹墀中客路有初曙
吾將探靈泉更上銅鞮館

望趙王墳

枕易老人餘舊墳西風松柏半山聞那堪百卉亭邊望惟有寒松
和白雪

弔明四溟山人舉二首

一夜琵琶曲蛾眉出趙宮才人爲婦嫁名士豈途窮用趙康王事
荒雲外漳河亂照中狂生冠前骨只伴建安雄

代無奇士思君不出來死生長是客父了共悔

流連水一限康王廟在河間縣距墓四十餘里交徐吳代淒切掃蒿萊康熙年吳江南草

修墓立碣

牛車行

飢牛號風日沈夕車聲砒砒碾亂石河冰碨礧狂沙橫欲渡無船

聚岸側老婦眠筐小婦扶大婦跼跼護釜鬲道傍背面羞見人俯

拾塵土汚顏色拾之飯是帶噉忍餓潛啼瘦黧黑逢人但問南

方好斗米價值幾幾百亦知故鄉難輕去其奈性命重廬宅驢騾

肉盡豺虎驕十家九逃長荆棘頻遭河患復凶荒眼見明年又癘

疫但免此離鬻嬌女婚嫁誰能顧親戚普天王土盡膏腴隨處撫

綏卽家室江湖瀕洞蛟龍多勸汝安行勿倉卒天心易轉太平時

雨雪來春有半麥牛車莫賣辦歸耕莫待欲歸歸不得

周宮曲

汴人王紫綬作大梁宮人行述周宮故事

憲王樂府擅東京趙女燕姬盡倚聲
今夜金鰲橋上月更無人唱
大梁行

十萬黃金壯士收美人城上著兜鍪
黃河不識宮牆路只帶殘鴉
繞汴州

劉淑菴太守濬河工竣相遇大梁遂訂洛州之遊二首

梅花嶺上送行驂詞賦飄零我自甘
久識雙旌辭闕下新看五馬
驟河南論文座馨夷門酒訪勝衣
縈少室嵐入洛不須愁賃舂爲
余先理讀書龕

如雲奮錘萬夫聲鼙鼓親提副急程
水利中原仍太守河渠新策
豈書生黃流乍瀉千餘里白髮知添
四五莖翦燭雄譚渾未倦西

牆月影又斜傾

喜晤王陳蘭冠山二首

家誠謙東冠山以名孝廉作舉河南乾隆乙未解例
東過先生丁外郎方伯某德治海陽論案前後有
山望之過後知吳先生及死也先生所得之
相心公為焚之句先先生謂大梁先生前未脫然故有
生於公處方伯向傾附不己言李制軍尚完事公方
伯去時云欲發人其在儒生事未耶蓋其詞察之風
惜未得保昌金素計其人其事以問諸當代詞察之風
厚之耳宜也

相見各驚

生之

相呼

人不知

強吞

淚來把

吹臺

危

危山

事出

中世

事誰先料

新

獸在

恤施陳

留淳

地滿

目尚

瘡痕

欲殺人何在

餘生

事未

乖朝

過寧

白馬

夜訪

跋青鞋

寓廬

相近

台挈千

觴罄還添

一友

偕

周二

當頭

在明月

軟繡

踏天街

軟繡

天街

見

男姪

如泰

裕幹

聲有普孫啓

沃

豐

光